

四鎮三關志

九



四鎮三關誌卷之七

制疏考

四鎮制疏總論

效祖曰君臣之分高卑懸絕蓋自天地設位已然  
矣然其情之疏通而罔間者非文詞安所藉焉故  
君謂臣則有詔有諭有誥有勅臣謂君則有題有  
奏有策有議凡此皆所以宣上德達下情而敷治  
宣猷之不可廢者也其在內治靡不爲然而障徼  
飛轡又蒸蒸篤焉今詳括而類收之以見一德交  
承之盛作制疏考





薊鎮制䟽

詔勅

勅兵部左侍郎兼都察院右僉都御史孫禮

近因虜寇越關深入殘害畿輔地方今雖退遁而沿邊一帶誠不可不爲之備該大學士嚴嵩等題稱薊州一鎮密邇京師關係尤重但兵馬單弱宜選風力大臣提督該鎮軍務庶幾緩急有濟勅下該部議覆前來相應依擬今特命爾前去提督薊州軍務爾宜查照該部題覆事理嚴督所屬整搦軍馬鋒利器械謹慎烽堠以備不虞其有關隘牆堡應該修築增補

者即便相度具奏興工其撫鎮叅遊等官俱聽節制  
一遇有警即行調集遼東真保河間等處兵馬相機  
應援各該將領等官臨陣之際有不用命者自指揮  
以下許以軍法從事有司官員有犯即便拏問凡軍  
中事宜勅內該載未盡者悉聽便宜區處爾爲大臣  
受茲簡命宜殫忠竭慮多方經畧計出萬全必使戰  
勝守固以紓朕北顧之憂斯稱任使毋或因循怠忽  
致誤事機責有所歸爾其欽承之故諭

勅總督薊遼保定等處軍務兼理糧餉兵部左侍郎兼

都察院右僉都御史譚綸

薊鎮切近京師寔係藩籬重地茲特命爾總督薊遼  
保定軍務兼理本處主客軍餉爾宜查照該部節題  
事理嚴督所屬整搦軍馬鋒利器械謹烽埃以備不  
虞如各處兵數不足設法召募務使充實關隘牆堡  
應該修築增補者即便相度具奏興工其薊遼保定  
鎮巡并各鎮叅遊所屬地方各道兵備添設修築墩  
堡等項官員俱聽爾節制各領兵等官敢有臨陣不  
用命者自都指揮以下許以軍法從事爾仍督同各  
該巡撫及管糧郎中等官凡遇糴買主客兵糧料草  
督令守巡兵備官估計召商比較完納各倉庫支放

巡撫并郎中主事各照分定地方掌管先事儲積臨  
時供億俱聽爾調度如有不敷爾即具奏請給每年  
防秋畢日督行各官分別主客各開有無支剩并計  
算下年應該添買之數題請其在鎮糧草支用不及  
者或改撥搬運聽爾從宜處置凡官商埋沒將領尅  
削及一切浪費冒支等弊應拏問者就便拏問應叅  
奏者指實叅奏各分定地方官員如違悞糧餉守巡  
兵備等官假以邊務規避召買致悞軍機者爾即奏  
來處治其餘軍衛有司官員有犯輕則徑自提問重  
則叅奏究治庸懦不職者一體糾劾凡軍中一應事



宜并勅內該載未盡者悉聽爾便宜區處仍不妨練  
兵原務爾為大臣受茲簡命宜殫忠竭誠多方經畧  
計出萬全必使戰勝守固士飽馬騰以紓朕北顧之  
憂如或因循怠忽責有所歸爾其欽承之故諭

勅總督軍務都察院右都御史兼兵部右侍郎劉應節  
朕受

天明命君主萬方內夷外夏無不欲其得所昨歲北虜  
款關乞貢議者紛紛可否互異朕方欲廣并包之仁  
故不責既往納其獻獻授以官職許為外臣然夷狄  
之性叛服不常制禦之方自治為要况薊鎮地方逼

鄰東虜今俺酋雖稱欵順土蠻尚爾陸梁桑土之防  
倍宜加慎近該輔臣建議請降勅諭申飭各鎮文武  
諸臣及時整理邊務誠爲安攘至計茲特諭爾除職  
掌所係照常脩舉外乘今邊患稍寧嚴督鎮巡兵備  
等官將一應戰守事宜着實整理搏節費用務有贏  
餘訓練兵馬務皆精壯召種屯田務廣儲蓄清理鹽  
法務使䟽通哨探虜情務得端的調遣應接務中機  
宜援兵雖不可驟罷亦要設法練集土著以圖戰守  
墩臺雖已行脩築尤須多備守臺器具以資捍禦若  
事有不便應合改絃易轍者亦須明白具奏請旨定

奪毋得拘泥陳說、因循自悞、以後每年聽行邊大臣  
查覈紀驗、果能事事整飭、著有實績、比照擒斬事例、  
重加陞賞、如踵襲故套、推諉誤事、即照失機、從重擬  
罪、爾爲督臣、受茲委任、宜殫竭忠謀、悉心區畫、務俾  
邊政脩舉、日勝一日、禦虜之算、萬全無遺、斯副朕付  
托之重、如或怠玩廢弛、以致債事、責有所歸、爾其慎  
之慎之、故諭、

勅總督兵部右侍郎兼都察院右僉都御史楊兆

薊鎮切近京師、實係藩籬重地、茲特命爾總督薊遼  
保定等處軍務、兼理薊昌二鎮主客軍餉、爾宜查照

該部節題事理嚴督所屬文武將吏整擷軍馬鋒利  
器械謹明烽堠以備不虞如各營路軍伍不足設法  
募補務使充實各處清勾改編到軍士督令安插得  
所如法訓練關隘牆臺應該增脩者即便相度具奏  
興工各路營城距邊有在十里五里之外者酌議移  
置近邊以便戰守近年所造戰車遇有損壞缺少務  
即以時脩補入衛兵馬有以老弱充數宜嚴加查核  
各處班軍全無盛甲器械與不習戰守宜即議處練  
習俾得實用宣府岔東一帶土牆樓櫓係

陵寢後蔽爾每歲會同該鎮鎮巡等官查閱一次應修

理者具奏脩理

天壽山東西山口空缺宜議增車營以資防禦其薊遼  
昌平保定鎮巡協守分守副叅兵備及統領入衛領  
班等項官員俱聽爾節制如遇虜賊入犯即嚴督各  
官相機勦殺各領兵將官有臨陣退縮承遣逗遛抗  
違軍令及沿習舊套割取死首冒功脫罪者叅將以  
下許以軍法從事副總兵以上先取死罪招由奏聞  
處治爾仍督同各該巡撫及管糧郎中等官凡遇糴  
買主客兵糧料草查照定額督令守巡兵備官估計  
召商比較上納各倉庫以時支放歲終仍督行各官

分別主客各項有無支剩并會計下年應該添買之數先期題請其各路所派糧草支放不便或宜改撥搬運聽爾從宜處置凡官商埋沒將領剋削一切浪費冒支等弊及管糧官違悞糧餉兵備官規避召買應拏問者就便拏問應叅奏者指實叅奏其餘軍衛有司官員有犯輕則徑自提問重則叅奏究治每防秋畢日將各軍職兵備官員分別舉劾有司不職者一體糾奏凡軍中一應事宜并勅內該載未盡者悉聽爾便宜區處爾受茲簡命宜殫忠竭誠多方經畧計出萬全必使戰勝守固士飽馬騰以紓朕北顧之

憂如或因循怠忽責有所歸爾其欽承之故諭  
勅獎總督兵部左侍郎兼都察院右僉都御史楊兆  
朕仰承

烈祖

神宗之耿光丕麻四方萬國靡不懷服蠢惟醜虜恃其  
控弦之衆憑陵邊鄙無歲無之朕以爾蔚有遠猷心  
在王室授之專闕冀紓東顧之憂而爾能殫竭忠勤  
督勵將士調度方畧悉中機宜頃虜乘我解嚴飄忽  
東犯而各該兵將聞警雲集是張犄角之形以遏跳  
梁之勢斬首二百奪獲馬駝兵械無算餘虜狼顧惕

息禡魄奔遜大伸中國之威靈時惟爾功捷書馳聞  
朕心嘉悅特用授爾勲階給與應得誥命賞銀六十  
兩紵絲四表裏廕一子入監讀書仍賜勅獎勵於戲  
威武奮揚既著發縱之效邊疆底定尚紆善後之圖  
宜益勵其初心用對揚於休命爾其欽哉故諭

勅獎總督薊遼保定等處軍務兼理糧餉兵部左侍郎  
兼都察院右僉都御史楊兆

朕纘承

皇祖

烈宗之不緒撫有方夏三垂晏若方內以寧念保治之



大猷在戎兵之克詰爰遣重臣時巡邊鎮簡稽軍實  
覈課功能茲者還報稱爾作鎮北門和洽東土畢收  
群策而張弛協宜坐制諸夷而威信兼著繕塞垣則  
既崇且固練卒乘則有勇知方至于遼左之開疆寔  
本師中之授算惟茂績備徵于八事肆休聲獨冠於  
一時朕念尔勞良用嘉悅茲特賜勅獎勵仍賞銀五  
十兩紵絲四表裏以示眷酬爾尚益茂忠猷弘攄遠  
略萬全取勝愈嚴柔土之防先事制人未壯干城之  
績則予一人以懌且存有顯陟焉欽哉故諭

效祖曰典邊之責至嚴且棘矣往

世廟時督過封疆臣日惴惴焉求伏匿不暇安從覲寵  
靈乎乃公以閔才際

泰運年來關鎮底寧至厯

璽書下被甄藻輝煌不一足古語云聖人有金城者比  
物比志也其公之謂歟

勅整飭薊州等處邊備兼巡撫順天等府地方都察院  
右僉都御史楊兆

目今北虜款順邊患稍寧正宜及時修舉邊務以圖  
久安長治况薊昌密邇京師逼鄰東虜今俺酋雖稱  
賓服土蠻尚爾陸梁桑土之防倍宜加慎近該輔臣

建議請勅申飭各鎮文武諸臣誠爲安攘至計茲特  
諭爾除職掌所關照常修舉外乘今警報稍息督率  
兵備將領等官將一應戰守事宜着實整理撙節費  
用務使贏餘訓練兵馬務皆精壯召種屯田務廣儲  
畜清理鹽法務使疏通哨探虜情務得端的調遣應  
接務中機宜援兵雖不可驟罷亦要設法練習土著  
以圖戰守墩臺雖已行修築尤須多備守臺器具以  
資捍禦如事有不便應合改絃易轍者亦要與總督  
鎮守協心計議具奏定奪毋得拘泥陳說因循自悞  
以後每年聽行邊大臣查覈紀驗果能事事整飭著

有實績比照擒斬事例重加陞賞如踵襲故套推諉  
誤事即照失機從重擬罪爾爲撫臣受茲重任宜殫  
竭忠謀悉心區畫務俾邊政修舉日勝一日禦虜之  
算萬全無遺斯副委託如或怠玩廢弛以致僨事責  
有所歸爾其慎之慎之故諭

勅都察院右僉都御史王一鶚

今特命爾整飭薊州永平山海密雲居庸關白羊口  
等處邊備兼巡撫順天永平二府地方居常操練軍  
馬脩理城池關隘撫安軍民督理糧儲禁革奸弊聽  
理詞訟凡屯糧民運鹽糧召買等項爾宜查照該部

節題事理稽督查催近年題准築建空心墩臺有未完者俱要乘時脩補務令高厚足堪捍禦各路營城距邊有在十里五里之外者酌議移置近邊以便戰守節年所造戰車遇有損壞缺少務即着實脩補備用邊內荒蕪田土并官豪勢要侵占者逐一查明分給屯丁儘力開種俟三年後如果成熟准令各軍自食其力免給月糧年終通將墾過田畝數目造冊奏繳青冊送部查考如權豪勢要及將領官商人等有侵欺盜賣糧草及埋沒剋剥等弊應拏問者就便拏問應叅奏者指實叅奏凡口外屬夷應撫賞者爾宜

悉心計處仔細隄備務使夷夏懷服邊境輯寧若有  
虜犯的實警報爾即移駐昌平調度各路軍馬隨宜  
堵截應援護衛 陵寢保固地方凡一應軍情邊務  
悉與鎮守官從長計議而行分守守備等官俱聽爾  
節制爾仍聽總督官節制其勅內開載未盡凡有裨  
於邊備及便於軍民者亦許爾從宜處置爾爲憲臣  
受茲簡任湏持廉秉公正已率下使官吏畏威軍民  
懷惠庶副委托若背公營私行事乖方因循怠玩以  
致悞事責有所歸爾其慎之慎之故諭

勅巡按直隸監察御史賀一桂

先該都察院題稱東西二關既經奉旨分屬各該巡按御史帶管則所管地方必須分屬明白庶可經久議將居庸紫荆以至山海等關事務分屬順天等府巡按御史管理今特命爾不妨原務兼巡視前項地方公同各該分守守備等官查照節年事例巡視關口點閱軍士整飭器械操演武藝守關官旗人等一應詞訟聽爾問理發落無警則按行內郡照常處理巡按職務有警即星馳赴邊巡視督察所在大小關隘及新築墩臺務令官軍加謹把守防護少有損壞即時修理堅完足堪保障其沿邊樹木尤宜嚴行禁

約不許居民盜伐遇有稀疎處所責令各該地方官及時補植完密如有視為末務不行用心栽種者指名叅來處治仍兼理清軍通將所轄邊鎮各區分守并標遊等兵各造清冊三本內係編發抽垛者將應繼弟男不拘隨伍原衛俱開報的名各附造本軍名下以後遇缺據籍頂補不必再用清勾係召募者該管官員按季開報止給與募軍銀二兩不必過於糜費仍將邊軍逃故并解補多寡各責成該管將領及衛所等官俱候復命之日分別具奏以定功罪勅內該載未盡事宜聽爾查照舉行爾為憲臣受茲兼任



務使邊關鞏固武備脩舉清理詳明軍伍充足斯爲  
爾能如或因循苟且虛應故事有負委用責有所歸  
爾其欽承之故勅

勅密雲糧儲戶部郎中申嘉瑞

近該巡按御史題稱要將密雲管糧官仍理該鎮錢  
糧其昌平三路照舊設官管理該部議覆相應今特  
命爾總理密雲主客兵馬糧餉爾宜查照該部題准  
事理聽督餉官分投坐委凡係主客駐守城堡及用  
兵處所并調到客兵經過地方俱要預先堆積糧料  
草束以備應用其主兵照例按月給散客兵一到即

與支放毋致留滯等候合用裝載車輛人夫驢騾等項俱要計處停當備用所轄官吏人等如有違慢誤事及通同作弊者爾即拿送所在官司問理爾受茲委任宜殫竭心力措置有方務使糧餉充盈邊方有賴斯稱任使毋或因循怠忽自取罪愆三年滿日更代爾其欽承之故勅

勅薊州糧儲戶部郎中高世雨

今命爾總理薊州等處糧儲兼管屯種分屬馬太二區督同該道隨宜召買糧草修置倉場收貯督徵附近州縣衛所民屯錢糧稽察奸弊凡一應興革事宜

爾會同巡撫官計議修舉官吏人等但有侵欺盜賣及私役買閑等項通同作弊者爾即拿送所在官司問理應奏請者照例施行爾受茲委任須持廉秉公殫心竭力毋暴毋刻務裨邊儲充足事安民安如或不加勤慎以致擾人廢事必罪不宥爾其慎之故勅勅永平糧儲戶部郎中傅寵

先該言官題稱薊鎮燕石二區軍士關支月糧不便欲要議增部屬以便督理事下該部議覆相應今命爾總理永平等處糧儲兼管屯種分屬燕石二區督同該道隨宜召買糧草修置倉場收貯督徵附近州

縣衛所民屯錢糧稽察奸弊凡一應興革事宜爾會同巡撫官計議修舉官吏人等但有侵欺盜賣及私役買閑等項通同作弊者爾即拿送所在官司問理應奏請者照例施行爾受茲委任須特廉秉公殫心竭力毋暴毋刻務裨邊儲充足事安民安斯稱厥職如或怠肆以致擾人壞事必罪不宥故勅

勅密雲兵備山東布政司叅政錢藻

今特命爾整飭密雲等處兵備管理石塘嶺古北口墻子嶺三路駐劄密雲縣分管密雲縣通州三河寶坻香河平谷各州縣密雲中後通州左右神武中定

邊興州後屯九衛梁城守禦千戶所專一撫處夷情  
聽理詞訟脩葺城池操練人馬查處主客錢糧督脩  
關營墩牆整理神器甲仗脩蓋營房倉庫每年正月  
半七月初上邊三月盡九月盡下邊守邊之日稽查  
奸弊監督戰守下邊之日如遺有邊工未就之緒及  
簡閱兵馬諸務仍選委州縣才能正官一員前去代  
理及將所管區分主兵通行蒐選設法教練一年之  
內練有成效不次擢用因循不振從重黜罰仍聽總  
督巡撫官節制其屯田事務屬爾兼管仍查照兵部  
近題事理帶管驛傳稽覈各項錢糧嚴查應付勘合

有不奉公差及假托詐偽并驛遞官吏人等剋削包  
占作弊害人者俱要恪遵明旨盡法禁治每年將徵  
給過站銀禁革過冒濫牌票及行過事宜開送巡撫  
衙門轉咨該部查考如不用心着實舉行取具文移  
了事致滋奸弊聽各撫按官及該部科即據事叅奏  
以不職論黜爾為憲臣須持廉秉公實心幹理圖副  
委任毋得因循怠玩自貽罪愆爾其欽承之故勅

勅薊州兵備山西布政司右叅議兼僉事王之弼協理

糧餉

先該戶部題稱薊州等鎮錢糧原擬勅差郎中一員

駐劄適中地方會同撫按衙門督理收放禁革奸弊  
但該鎮主客兵馬虛實之數非管糧郎中所得盡一  
稽查每遇關支虛冒尤多向雖題覆兵備官嚴督查  
理未見着實舉行又該各項糧料草束收放浩繁積  
弊多端欲要責成兵備協同經理庶國計有裨今特  
命爾不妨原務協同管糧郎中主事將前項宿弊務  
要盡法查理將本鎮主客兵馬數目覈實要見某處  
主兵若干客兵若干舊數有無增減總撒有無相同  
細開應支錢糧實數仍查客兵何時調到何時撤回  
毋得聽憑捏報虛增違者即將各將領員役查照律

例從重叅究每年終郎中將放收過各兵馬數目備  
細造冊送部毋得仍前不開起止及官軍各支不等  
混數致難查考亦無得已放本色而捏作折色已放  
折色而捏作本色并擅將商價折放遊兵內貪猾問  
革將官及各色假借棍徒以致大損邊儲爾仍將主  
客實數并客兵上邊撤回日期造冊送部以備互相  
稽查所有解到漕糧并援例米石俱要乾圓潔淨編  
立字號倉廩積貯以備日後支放如豪右棍徒敢有  
仍前包攬積書奸商交通作弊者即便嚴拏問遣其  
各邊倉攢除行應撥衙門嚴查籍貫保勘明白方行



撥充如再仍前捏籍冒充者聽爾一體問革各項事宜務在協心料理如應放本色而爛惡不堪應放折色而銀數短少查照年月將各經管員役據實叅奏罷斥爾受茲委任須持廉秉公正已率下悉心經理使上下知警弊竇以塞糧無虛耗軍有實惠如或怠慢悞事責有所歸爾其欽承之故勅

勅薊州兵備山西按察司副使辛應乾

今特命爾整飭薊州等處兵備爾宜查照該部題准事理管理馬蘭谷太平寨二路監督副叅等官分管薊州遵化豐潤縣薊州營州右屯鎮朔遵化東勝右

忠義中興州左屯前屯開平中屯衛寬河守禦千戶  
所專一撫處夷情聽理詞訟脩葺城池操練人馬查  
處主客錢糧督脩關營墩臺管理神器甲仗脩蓋營  
房倉庫每年正月半七月初上邊三月盡九月盡下  
邊下邊之日如遺有邊工未就之緒及簡閱兵馬諸  
務仍選委州縣才能官一員前去代理及將所管該  
路主兵通行蒐選設法教練一年之內練有成效不  
次擢用因循不振從重黜罰爾仍聽督撫官節制近  
該戶部覆議將邊內荒蕪田土及官豪勢要侵占逐  
一查明分給屯丁量給牛種嚴禁濫徵以防農業俟

三年後如果成熟准令各軍自食其力免給月糧若  
有多餘田土亦要設法招種照前免科俟三年之後  
或令當軍或令出租臨時聽從民願年終通將開墾  
過地畝數目造冊奏繳青冊送部查考爾受茲委任  
須持廉秉公正已率下悉心經理以靖地方如或怠  
慢悞事責有所歸爾其欽承之故勅

勅永平兵備山東按察司副使宋守約協理糧餉

先該戶部題稱永平等鎮錢糧原擬勅差郎中一員  
駐劄適中地方會同撫按衙門督理收放禁革奸弊  
但該鎮主客兵馬虛實之數非管理郎中所得盡一

稽察每遇關支虛冒尤多向雖題覆兵備官嚴督查  
理未見着實舉行又該各項糧料草束收放浩繁積  
弊多端欲要責成兵備協同經理庶國計有裨今特  
命爾不妨原務協同管糧郎中主事將前項宿弊務  
要盡法查理將本鎮主客兵馬數目覈實要見某處  
主兵若干客兵若干舊數有無增減總撤有無相同  
細開應支錢糧實數仍查客兵何時調到何時撤回  
毋得聽憑捏報虛增違者即將各將領員後查照律  
例從重叅究每年終郎中將放收過各兵馬數目備  
細造冊送部毋得仍前不開起止及官軍各支不等

混數致難查考亦毋得已放本色而捏作折色已放折色而捏作本色并擅將商價折放遊兵內貪猾閭革將官及各色假借棍徒以致大損邊儲爾仍將主客實數并客兵上邊撤回日期造冊送部以備互相稽查所有解到漕糧并援例米石俱要乾圓潔淨編立字號倉厰積貯以備日後支放如豪右棍徒敢有仍前包攬積蓄奸商交通作弊者即便嚴拿問遣其各邊倉攢除行應撥衙門嚴查籍貫保勘明白方行撥充如再仍前捏籍冒充者聽爾一體問革各項事宜務在協心料理如應放本色而爛惡不堪應放折

色而銀數短少查照年月將各經管員後據實叅究  
罷斥爾受茲委任須持廉秉公正已率下悉心經理  
使上下知警弊竇以塞糧無虛耗軍有實惠如或怠  
慢誤事責有所歸爾其欽承之故勅

勅永平兵備山東按察司副使陳萬言

先該總督薊遼軍務官題稱永平等處一帶地方切  
隣邊境當專設兵備官分路經理庶幾事有青成該  
部議覆相應今命爾前去整飭永平等處兵備爾宜  
查照該部題准事理管理燕河營石門寨二路監督  
副叅等官駐劄永平府分管該府所屬盧龍遷安撫

寧昌黎縣灤州樂亭縣永平盧龍撫寧東勝左山海  
興州右屯衛專一撫處夷情聽理詞訟脩葺城池操  
練人馬查處主客錢糧督脩關營墩牆管理神器甲  
仗脩蓋營房倉庫每年正月半七月初上邊三月盡  
九月盡下邊其守邊之日稽查奸弊監督戰守主客  
大小將領如有臨陣退縮及不公不法等項爾即指  
實叅究中間謀勇勤勞者具呈督撫衙門甄別奏請  
下邊之日如遺有邊工未就之緒及簡閱兵馬諸務  
仍選委州縣才能官一員前去代理及將所管該路  
主兵通行蒐選設法教練一年之內練有成效不次

擢用因循不振從重黜罰爾仍聽督撫官節制近該  
戶部覆議將邊內荒蕪田土及官豪勢要侵占逐一  
查明分給屯丁量給牛種嚴禁濫徵以妨農業俟三  
年後如果成熟准令各軍自食其力免給月糧若有  
多餘田土亦要設法招種照前免科俟三年之後或  
令當軍或令出租臨時聽從民願年終通將開墾過  
田畝數目造冊奏繳青冊送部查考爾受茲委任須  
持廉秉公正已率下悉心經理以靖地方如或怠慢  
誤事責有所歸爾其欽承之故勅

勅天津兵備山東按察司副使安嘉善



今特命爾整飭天津等處兵備兼理馬政河道專在天津滄州二處往來駐劄自天津以南至德州止并河間滄州軍衛有司衙門悉聽管轄務要不時巡歷櫛練軍馬修理城池禁革奸弊督捕盜賊問理刑名其德州河間軍衛已有守備專一管理操練爾不必遠遊遠遊沙遇有盜賊生發即督調應捕官軍民快人等相機勦捕毋令滋蔓河道淤濇仍與巡河御史管河郎中等官從宜處置疏濬以便糧運及官軍人等船隻毋致踈虞阻滯一應軍民詞訟應受理者即與問理所屬官員有怠惰貪雲不職者輕則量情懲治

重則聽爾拏問及奏聞區處捕盜事情有應與霸州  
兵備官通州分守官議處者協和計議停當而行仍  
聽經該巡撫提調并總理河道都御史節制其河間  
等衛原有安插土達亦須嚴加鈐束撫恤關防有警  
隨即調用爾爲憲臣受茲委任尤須持廉秉公正已  
率下振揚風紀預防寇盜務使軍民安妥地方寧靖  
斯爲稱職如違責有所歸爾其勉之慎之故諭

勅諭署都督同知戚繼光總理練兵

朕聞制虜之道莫先于強兵欲兵之強必由于訓練  
矧惟薊鎮切近京師擇將練兵尤乃要務昨該總督

譚綸具奏已經議允茲特命爾前去總理其事該鎮將官自總兵以下俱聽爾節制爾聽總督節制凡事俱呈總督計議停當而行其餘文武大小官員俱不許于預撓阻如違呈總督奏處治各兵于練習之時有怠肆違犯者輕則量行責戒重則具呈總督處以軍法朕以爾嘗策勲于南故茲簡用爾宜益勵素志大展才猷必使所練之兵克堪戰守斯副朕意如或驕怠因循訓練無效朕必爾責爾其勉之慎之故諭

勅諭署都督同知戚繼光總理兼鎮守薊鎮

107

近因爾具奏請該兵部覆稱該鎮既有鎮守總兵又設練兵都督一鎮兩帥事難責成要將訓練事理即專責之總兵庶事體不分可期實效已下督撫等官會議衆謀僉同茲特命爾不妨總理練兵原務兼鎮守薊州永平山海等處地方將該鎮見在官軍不分入衛及區班等項俱任爾挑選分營督率各該將領着實訓練操演車騎教習火器無事修葺城堡申嚴號令內防奸宄外禦虜寇有警不分信地調度官兵相機截殺副叅遊守悉聽節制但有剋剝軍士沿襲虛套教練不實及臨陣退縮觀望不前者俱許爾以

軍法處治有司府佐州縣等官有抗拒阻撓以致失  
悞軍機者亦聽爾開呈總督衙門叅奏處治其一應  
地方事宜勅內該載不盡者俱查照防邊集議及該  
題准事理與巡撫都御史同心協力計議停當而行  
毋得各持己見偏執誤事爾乃聽總督節制朝廷以  
爾素有威名特茲委任爾須殫竭忠誠兼施謀勇務  
俾醜虜遠遁疆圉永寧斯稱厥職爾其勉之慎之故  
諭

制諭署都督同知戚繼光

今特命爾充總兵官總理練兵事務兼鎮守薊州永

平山海等處地方修理城池關隘操練軍馬遇有賊  
寇相機勦殺其副將叅遊分守守備等官悉聽節制  
如制奉行

勅總理練兵事務兼鎮守薊州永平山海等處地方總  
兵官右都督戚繼光節制客兵

近該兵部題稱薊鎮主將權輕兼各處客兵不遵約  
束每當虜警必須呈請軍門多致延誤乞要將調到  
各路兵馬聽總兵官節制已允所請爾宜遵照勅旨  
除本鎮副叅以下自有體統外其延綏寧夏固原大  
同宣府遼東保定等處官軍不拘入衛應援自副叅

遊守等官悉聽爾節制遇有警急或該分布擺守或該隨營出戰徑自調遣不必呈請待報各官如有抗拒阻撓者具奏拏問臨陣退縮者許以軍法處治平時仍照舊規而行爾受朝廷重委務要相度機宜以爲調度臨事固不許推托觀望無事亦不許任情妄動如違各罪不宥爾其慎之戒之故勅

勅總理練兵總兵官左都督戚繼光整飭邊務

目今北虜欵順邊患稍寧正宜及時修舉邊務以圖久安長治薊昌密邇京師逼鄰東虜今俺酋雖稱賓服土蠻尚爾陸梁棄土之防倍宜加慎近該輔臣建

議請勅申飭文武諸臣誠為安攘至計茲特諭爾乘  
今警報稍息督率大小將領等官將一應戰守事宜  
著實整飭搏節費用務要贏餘訓練兵馬務皆精壯  
分布車營務令便利習教火器務使精通哨探虜情  
務得端的調遣堵截務中機宜援兵雖不可驟罷亦  
要設法練集土著以圖戰守墩臺雖已修築尤須多  
備守臺器具以資捍禦如事有不便應合改絃易轍  
者亦要呈白總督會同巡撫協議具奏定奪毋得拘  
泥陳說因循自誤以後每年聽行邊大臣查覈紀驗  
果能事事整飭著有實績比照擒斬事例重加陞賞



如踵襲故套塘塞悞事即照失機從重擬罪爾為武  
臣整兵待戰乃其本職宜殫竭忠誠悉心區畫務俾  
邊政修舉日勝一日緩急有備戰守咸宜斯稱委任  
如或怠緩廢弛以致債事責有所歸爾其慎之慎之  
故勅

勅東路協守副總兵史宸

今命爾充副總兵協守薊州東路地方駐劄建昌營  
分理燕河臺頭營石門寨山海關四路練兵事務巡  
撫標兵并屬爾兼理居常務要往來巡歷訓練軍兵  
修理城堡督瞭墩臺防禦城寇其哨探傳報遇警截

四  
金三  
附言  
制  
十三  
殺撫處夷情軍中一應事宜悉與永平道計議而行  
前項四路叅遊守提等官及客兵分布所屬地方悉  
聽約束調度爾仍聽總督鎮巡官節制尤須持廉奉  
法用心訓練防禦以副委任如或貪黷債事國典俱  
存法不輕貸爾其勉之慎之故諭

勅西路協守副總兵署都督僉事張臣

今命爾克副總兵協守薊州西路地方駐劄石匣密  
雲分理牆子嶺曹家寨古北口石塘嶺四路練兵事

務兼管總督下標兵及新兌左營馬兵一枝居常務  
要往來巡歷訓練軍兵修理城堡督瞭墩臺防禦賊  
寇撫處夷情遇有警報卽領兵截殺凡事須與密雲  
道計議而行其石匣車營一枝照議兌與密雲左營  
統領前項四路叅遊守提等官及密雲分布所屬地  
方俱聽爾節制調度爾仍聽總督鎮巡官節制尤須  
持廉奉法用心訓練防禦以副委任如或貪黷僨事  
國典具存法不輕貸爾其勉之慎之故諭

勅密雲左營遊擊陶世臣

先該總督薊遼保定等處軍務官題稱軍門標下每

遇防秋選有各鎮官軍及保河民兵俱聽調用雖有中軍官管領緣各不相轄令難齊一必須專官統領事方有濟該部議覆相應今特命爾以叅將管遊擊將軍事專管總督薊遼保定軍門標下軍務三鎮選兵合爲一營兼統密雲新募遊兵三千名在于總督地方駐劄團練聽總督官調遣殺賊前項兵馬務嚴加揀選時常訓練以作其氣禁止剝削善爲撫卹以得其心遇有警報調遣即便統領相機截殺不許輕率寡謀逗遛慢事尤須持廉奉法正已率下仍聽總督官及巡按御史糾察如或貪黷債事法不輕貸爾

其慎之故諭

勅密雲右營遊擊李如梗

今特命爾充右營遊擊將軍統領總督薊遼保定軍門標下親兵務要嚴加訓練以作其氣善爲撫卹以得其心一切應行事宜聽爾以次經理如遇警報聽薊鎮總兵官將五枝兵馬合爲一營相機勦殺不許輕率寡謀致墮賊計及逗遛觀望有誤軍機爾仍聽總督巡撫官節制尤須持廉奉法正已率下毋得貪黷債事法不輕貸爾其慎之故諭

勅密雲振武營遊擊徐從義

先該總督薊遼等處軍務官題稱薊州重鎮藩屏京師各處要害地方合當添設將官一員往來策應事下該部議謂宜如所請今特命爾充遊擊將軍統領振武營遊兵專授石塘嶺大水峪地方務將本營兵馬嚴加訓練以作其氣善爲撫卹以得其心如遇該鎮報有賊情即便統領相機截殺不許輕率寡謀逗遛悞事仍聽總督鎮巡官節制尤須持廉奉法正已率下如或貪黷僨事法不輕貸其防秋之時拒遏賊退論功及失事治罪三年保塞無事量加優賞等項悉照該部近題事例施行爾其欽承之故諭

勅密雲輜重營遊擊陳伯傑

今命爾專管密雲輜重車營統率該營官軍凡遇大  
營出征裝載糧草附以火器隨營出入以供軍需進  
止機宜須聽主將節制糧盡就近運取毋得違悞無  
事則操練軍馬使可戰守以保輜重毋得怠忽致悞  
軍機爾尤須持廉奉法正己律下如或貪婪僨事責  
有所歸爾其慎之故勅

勅遵化左營遊擊吳惟忠

今命爾充遊擊將軍統領薊州巡撫下標兵三千名  
務要嚴加訓練以作其氣善為撫卹以得其心遇有



警報調遣卽便統領相機勦殺不許輕率寡謀致墮  
賊計逗遛觀望致悞軍機仍聽總督鎮巡官節制如  
有應行事宜聽爾以次經理爾須持廉奉法正已率  
下如或貪黷債事法不輕貸爾其慎之故諭

勅遵化右營遊擊張玠

近該總督薊遼保定等處軍務官題稱遵化等處地  
方藩屏京師實爲要害合當添設遊擊將軍一員往  
來策應事下該部議謂宜如所請今特命爾充遵化  
等處遊擊將軍統領新募軍士三千名在本營操守  
務要嚴加訓練以作其氣善爲撫卹以得其心聽候

調遣截殺不許輕率寡謀逗遛悞事仍聽總督鎮巡  
官節制爾尤須廉以律已慎以奉法如違罪不輕貸  
爾其欽承之故諭

勅遵化輜重營遊擊謝惟能

今命爾專管遵化輜重車營統率該營官軍凡遇大  
營出征裝載糧草附以火器隨營出入以供軍需進  
止機宜須聽主將節制糧盡就近運取毋得違悞無  
事則操練軍馬使可戰守以保輜重毋得怠忽致悞  
軍機爾尤須持廉奉法正己律下如或貪婪僨事責  
有所歸爾其慎之故勅

勅三屯左營遊擊李信

今命爾充遊擊將軍統領薊鎮總兵下左營標兵三千名務要嚴加訓練以作其氣善為撫卹以得其心遇有警報調遣即便統領相機勦殺不許輕率寡謀致墮賊計逗遛觀望致誤軍機仍聽總督鎮巡官節制如有應行事宜聽爾以次經理爾須持廉奉法正已率下如或貪黷僨事法不輕貸爾其慎之故諭

勅三屯右營遊擊羅端

今特命爾充叅將管遊擊將軍事務統領薊鎮總兵標下右營兵馬三千名務要嚴加訓練以作其氣善

爲撫卹以得其心。但有軍士逃故，具呈鎮守查補。軍中合行事宜，大則申請總督鎮巡，小則徑自經理。如遇警報，聽薊鎮總兵調遣，合營相機勦殺，不許輕率。寡謀致墮賊計，逗遛觀望，致誤軍機。仍聽總督鎮巡官節制，爾須持廉奉法，正己率下，如或貪黷債事，法不輕貸。爾其慎之慎之，故諭。

勅三屯輜重營遊擊李逢時

今命爾專管三屯輜重車營，統率該營官軍。凡遇大營出征，裝載糧草，附以火器，隨營出入，以供軍需。進止機宜，須聽主將節制。糧盡就近運取，毋得違慢。無

事則操練軍馬使可戰守以保輜重毋得意忽致悞  
軍機爾尤須持廉奉法正己律下如或貪婪債事責  
有所歸爾其慎之故勅

勅通州叅將金璋

今命爾分守通州地方提調通州并武清等衛所官  
軍操練軍馬固守城池遇有盜賊生發即便相機剿  
捕仍把總提督馬快船并南京運到官物及各處所  
進方物脩理橋梁河堰等項合用軍夫俱聽爾於通  
州等衛從公差撥不許貪酷放肆科歛財物交結勢  
要以致軍民受害若有勢要之人到彼多要船隻軍

夫等項并威逼科歛財物營幹私事者爾即指實具奏處治其天津衛地方相離通州不遠其城池官軍仍命爾與同巡按御史時常往來提督脩理操練禁革奸細如彼處衛所官員及刁潑旗軍人等有互相交搆縱肆爲非苦害良善亦聽爾與巡按御史具奏拏問每年按季將已未捉獲盜賊從實奏報以憑稽考爾須持廉秉公正已率下務使事安民安斯爲爾能不許生事擾害百姓濫受詞訟沮抑客商偏徇行事致人嗟怨如或因循廢弛職務有負委託罪不輕恕爾其欽承朕命故諭

勅通州叅將陳文治

今命爾充遊擊將軍管叅將事駐劄通州自本州至天津迤北一帶地方務在脩理城池操練軍士關防奸宄禁捕盜賊撫安人民兼管上下半年馬快船隻防秋之日預備精利器械整搦人馬以備張家灣河西務截殺并為順義諸處聲援崔黃口守備聽爾節制其山東河南北直隸春秋兩防班軍到薊之日每防聽總督軍門及總兵官挑選一萬名前去如法訓練務成節制俟有成效與各路標兵一體分布或戍守信地或策應各營果能建立奇功破格優敘如逗

四金三國志  
遼觀望國典具存必罪不貸凡遇調遣各領班都司  
悉聽節制至于應行事務須與霸州兵備道計議而  
行仍按季將已未獲盜賊從實奏報以憑查考爾須  
持廉秉公正已率下毋得貪黷貨利尅害軍民自取  
罪譴爾其慎之慎之故諭

勅山海關叅將沈思學

先該薊鎮督撫官題稱山海關守備合當改設叅將  
一員分守地方該部議覆相應今特命爾充叅將分  
守山海關南自南海口關海邊起西北至寺兒峪堡  
接一片石關南山墩南山崖止計地五十里所轄把



總官一真關堡七處操練軍馬修理城池斷絕隘口  
防禦賊寇訪察奸細每遇深冬督率軍士打鑿海口  
冰塊以防不虞北山敵臺時加修葺兩防之日照舊  
修築墩牆削剷偏坡多挖品窖加謹隄備不許怠忽  
若本路有事止守本關或前屯中前所有警爾卽統  
兵出關應援若燕石等處有警聽督撫等官隨宜調  
用方許離關其盤詰事務驗放客商與守關主事公  
同計議而行不得偏執違拗指揮等官敢有玩法怠  
事者聽爾懲治爾仍聽總督鎮巡官節制尤須持廉  
守法以副委任如或貪黷僨事法不輕貸爾其慎之

故諭

勅石門寨叅將張拱立

先該總督薊遼等處軍務官題稱薊州重鎮潘屏京師各處要害地方合當添官分路久任庶幾事有責成事下該部議覆相應今特命爾以副總兵管叅將事分守薊州石門寨等處地方爾宜查照先今題准事理東自一片石南山崖起西至甘泉堡西界接星星峪堡交界止計地一百六十里其一片石大毛山義院口三提調官及關營寨堡共三十三處俱屬爾管轄爾嚴督前項地方官操練軍馬修理城池督瞭

墩臺防禦賊寇一片石以西專聽爾將所管官軍通融撥守爾仍聽總督鎮巡官節制爾須廉以持已公以處事仁以卹下不許貪黷債事貽害地方如違必罪不宥爾其慎之故諭

勅臺頭路叅將姚天與

先該總督薊遼等處軍務官題稱薊州重鎮藩屏京師各該要害地方合當添官分區久任庶得事有責成該部議覆相應今特命爾充遊擊將軍管叅將事分守薊州臺頭營等處地方爾宜查照該部先今題准事理東自界嶺口星星峪義院口甘泉堡扒達嶺

起西至青山口梧桐峪天青峪墩西空接連桃林口  
止計地一百一十六里其永平守備界嶺青山二提  
調官并駙馬等三營箭桿等五關星星峪等四堡東  
勝一寨共十三處俱聽爾統轄爾仍督前項地方官  
操練軍馬修理城堡督瞭墩臺防禦賊寇凡軍中一  
應合行事宜仍聽總督鎮巡官節制爾須廉以持已  
公以處事仁以恤下不許貪黷僨事貽害地方如違  
必罪不宥爾其慎之故諭

勅燕河路叅將聶大經

先該總督薊遼等處軍務官題稱薊州重鎮藩屏京

師各該要害地方。合當添官分區久任。庶幾事有責成。該部議覆相應。今特命爾充叅將分守薊州燕河營等處地方。爾宜查照先今題准事理。西自冷口石門子口關西琵琶稍墩起。東至桃林口關河東崖止。計地八十七里。其永平守備冷口桃林口二提調官并燕河等四營冷口等六關佛兒峪等三寨共十三處。俱屬爾管轄。爾嚴督前項地方官操練軍馬脩理城堡。督瞭墩臺防禦賊寇。凡軍中一應合行事宜。仍聽總督鎮巡官節制。爾須廉以持已。公以處事。仁以恤下。不許貪黷債事。貽害地方。如違必罪不宥。爾其

慎之故諭

勅太平路叅將盧述

先該總督薊遼保定等處軍務官題稱薊昌等處地方要害必置將分路庶幾事有責成該部議覆相應今特命爾充叅將分守薊州太平寨等處地方爾宜查照先今題准事理東至擦崖子守備下白道子關東尖山墩起東接燕河營西至喜峯口守備下樂東團亭寨敵臺止邊長一百七十二里該管守備三員提調官一員關營寨堡二十七處俱屬爾管轄嚴督前項地方官操練軍馬脩理城堡督瞭墩臺防禦賊

寇凡軍中一應事宜悉聽總督鎮巡官節制其防秋  
之期醜虜攻牆爾能分布兵馬拒堵賊退保塞無虞  
聽總督官具實奏聞比照近題斬級事例敘論陞賞  
如或守禦欠嚴致賊潰牆深入查照宣大邊城事例  
拿治重罪爾須持廉奉法正已率下毋得貪黷僨事  
致人嗟怨貽害地方如違取罪非輕爾其慎之故諭  
勅松棚路遊擊李尚賢

先該總督薊遼等處軍務官題稱薊州重鎮藩屏京  
師各該要害地方合當添官分路久任庶幾事有責  
成該部議覆宜如所請今特命爾充遊擊將軍專管

薊州松棚谷地方在于龍井兒關駐劄統領天津等處班軍六千名照舊分爲兩班見面更替爾宜查照該部題准事理東至龍井兒下灤西潘家口關敵臺起西至羅文谷下山口寨小谷兒墩止計一百三十九里所轄三提調共關寨營堡二十八處俱屬爾管轄爾嚴督前項地方官操練軍馬脩理城堡督瞭墩臺防禦賊寇凡軍中一應合行事宜悉聽總督鎮巡官節制如遇防秋之時爾能分布兵馬拒遏有功聽總督官據實聞奏比照近題斬級事例敘論陞賞爾須持廉奉法撫恤軍士毋得貪黷僨事貽害地方如違



必罪不宥爾其慎之慎之故勅

勅馬蘭路叅將曰福

先該總督薊遼等處軍務官題稱薊州重鎮藩屏京師各該要害地方宜分路置將久任庶幾事有責成該部議覆相應今特命爾以副總兵管叅將事分守薊州馬蘭谷等處地方爾宜查照先今題准事理東自大安口提調下石崖嶺寨積皮谷臺起西至將軍營提調下峨嵋山寨西山頭墩止相接牆子嶺路地方計邊長二百三十六里該管提調官四員關寨營堡三十二處俱屬爾管轄爾嚴督前項地方官操練

軍馬修理城堡督瞭墩臺凡軍中一應合行事宜悉聽總督鎮巡官節制爾須持廉奉法撫恤軍士不許偏執貪刻致悞邊防如違罪不輕宥爾其慎之慎之故諭

勅牆子路叅將董一元

先該總督薊遼等處軍務官題稱薊州重鎮藩屏京師各該要害地方合當添官分區久任庶幾事有責成該部議覆相應今特命爾充叅將分守薊州牆子嶺等處地方爾宜查照先今題准事理自魚子山寨至大黃崖關止計二百九里所轄二提調關營寨

一十四處俱屬爾管轄嚴督前項地方官操練軍馬  
脩理城堡督瞭墩臺軍中一應合行事宜悉聽總督  
鎮巡官節制如遇防秋之時爾能分布兵馬拒遏有  
功聽總督官據實聞奏比照近題斬級例敘論陞賞  
爾須持廉奉法撫恤軍士不許偏執貪刻致悞邊防  
如違必罪不宥爾其慎之慎之故諭

勅曹家路遊擊劉楫

今命爾克遊擊將軍統領曹家營遊兵該寨提調改  
屬爾管轄一切邊務夷情修守哨探屯田等項悉聽  
爾督率分理原撥春秋班軍免其閱視聽爾分發防

御新舊各軍爾與提調照舊分管該操之日合營團  
練如遇古北口潮河川地方有警爾領新軍與石匣  
營遊擊應援其提調舊軍留本地方防守爾仍聽總  
督鎮巡官及本路副總兵節制防秋事畢與三年之  
後保塞無事及拒遏賊退俱照該部題准事例陞賞  
爾受茲委任平時須持廉奉法撫恤軍士遇警須相  
機戰守毋得輕率逗遛如違取罪不貸爾其慎之慎  
之故諭

勅古北路叅將谷承功

近該總督巡撫等官題稱練兵重務責之主將總理

又改設東西二路副將分理要將古北口地方將領  
見在軍兵嚴行訓練防禦等因該部議覆相應今命  
爾克叅將分守薊州前項等處地方聽總理官督率  
着實訓練車騎教習火器修理城堡督瞭墩臺防禦  
賊寇凡軍中一應合行事宜悉聽總督鎮巡官節制  
曹家寨三提調官俱聽爾節制一應修守哨探訓練  
屯田等項事宜提調官專責管理及管轄大小關隘  
自蚕房谷寨起至小臺兒寨止計二百五十二里所  
轄三提調關寨四十七處并一切邊務不許推諉誤  
事所轄地方有警即宜領兵策應截殺爾須持廉奉

公正已率下務裨練兵有備邊塞無虞斯稱任使如  
或貪黷債事國典具存法不輕貸爾其勉之慎之故  
諭

勅石塘嶺叅將徐枝

今特命爾充叅將分守薊州石塘嶺等處地方爾宜  
查照先今題准事理東自白馬關起西至开連口止  
計二百四十八里所轄二提調關寨二十三處營堡  
三處俱屬爾管轄爾須督前項地方官軍操練軍馬  
修理城堡督瞭墩臺防禦賊寇凡軍中一應事宜悉  
聽總督鎮巡官節制其防秋之時醜虜攻牆爾能分

布兵馬拒遏賊退保塞無虞聽總督官具實聞奏比  
照近題斬級例敘論陞賞如或守禦欠嚴致賊潰牆  
深入查照宣大邊城事例拏解來京問擬重罪爾須  
廉以持已公以處事仁以恤下毋得貪黷債事致人  
嗟怨貽害地方如違取罪非輕爾其慎之慎之故諭  
勅喜峯口叅將陳忠

近該巡按御史題稱要將薊鎮喜峯口守備改設叅  
將該部議覆相應今特命爾以遊擊將軍管叅將事  
分守喜峯口地方專一撫處夷情操練軍馬修理城  
堡督瞭墩臺防禦虜寇保障地方其董家口一提調

聽爾統轄凡一應軍機事務須與薊州兵備道計議  
停當而行如遇屬夷進貢之日必須整搦人馬鋒利  
器械鮮明甲冑擺列關門以示軍威爾卽公同序班  
驗審明白照例放進其夷人傳報討賞到關務要作  
速處置撫賞得宜不得偏執遲延致失夷心仍聽總  
督撫鎮官節制爾須持廉秉公正已率下屬副任使  
不許貪婪害人自速罪譴爾其勉之慎之故諭

勅東路南兵叅將楊文

近該薊鎮總督官題稱畚休南兵以便戍守該部覆  
如其議今特命爾充叅將分守浙江台金嚴地方仍



管薊鎮東路南兵事務在浙駐劄松海往來台金嚴  
地方操練官軍防禦倭寇固守城池三府所屬衛所  
兵馬悉聽管轄在薊駐劄馬松地方專督南兵分布  
各臺晝夜防守無事操練演習校藝有警併力相機  
堵剿仍照該部題准事理會同吳良知將彼中赴邊  
各兵更兌明白務足二千之數爾於萬曆三年五月  
初旬督兵于北新關上船趲程徑至張家灣應給行  
糧至于德州地方即行補給不得短少限七月終到  
薊赴密雲過堂毋至愆期取究仍舊東路戍守不許  
有悞秋防各兵往來俱已給有行糧務要嚴加鈐束

不許縱令登岸交易買賣騷擾地方亦不許與運糧船隻爭競生事如違卽以軍法處治兵數不足就于回南兵內選補不得浪傳召募以致農民競趨失業浙薊南兵通共六枝總之則三年一換週而復始以次踐更仍聽薊浙總督撫鎮官節制爾尤須持廉奉法正已率下以副委任毋得貪殘債事自取罪譴爾其慎之故諭

勅中路南兵遊擊楊瑄

近該薊鎮總督官題稱畚休南兵以便戍守該部覆如其議今特命爾充浙江軍門左營遊擊將軍仍管

薊鎮中路南兵事務在浙操練標下游兵防禦倭寇  
在薊駐劄建昌地方督兵登臺晝夜瞭望遇虜極力  
堵剿無事照常教演仍于萬曆四年正月月中旬自薊  
鎮部押浙兵至張家灣分搭上船由水路逕至杭州  
到浙之日聽浙江巡撫衙門查明休息數日即起地  
方以防春汛會同暴以平將彼中赴邊各兵更兌明  
白務足二千之數于萬曆四年五月初旬督兵于北  
新關上船趲程徑至張家灣應給行糧至于德州地  
方即行補給不得短少限七月終到薊赴密雲過堂  
毋得愆期取究仍舊中路戍守不許有悞秋防各兵

往來俱已給有行糧務要嚴加鈐束不許縱令登岸  
交易買賣騷擾地方亦不許與運糧船隻爭競生事  
如違即以軍法處治兵數不足就于回南兵內選補  
不得浪傳召募以致農民競趨失業浙薊南兵通共  
六枝總之則三年一換週而復始以次踐更仍聽薊  
浙總督撫鎮官節制爾須持廉奉法正已率下以副  
委任毋得貪殘債事自取罪譴爾其慎之故諭

勅西路南兵叅將丁茂

近該薊鎮總督官題稱番休南兵以便戍守該部覆  
如其議今特命爾充浙江叅將管軍門右營遊擊將

軍事兼理中軍仍管薊鎮西路南兵事務在浙管理  
軍門中軍戎務操練官軍傳宣號令凡事于軍務不  
拘大小俱要呈請軍門然後施行其把總以下悉聽  
管轄在薊駐劄石匣地方督兵登臺晝夜瞭望遇虜  
極力堵剿無事照常教演仍於萬曆五年正月中旬  
自薊鎮部押浙兵至張家灣分搭上船徑至杭州到  
浙之日聽浙江巡撫衙門查明休息數日即赴地方  
以防春汛會同陳典將彼中赴邊各兵更兌明白務  
足二千之數于萬曆五年五月初旬督兵于北新關  
上船趨程徑至張家灣應給行糧至于德州地方即

行補給不得短少限七月終到鎮赴密雲過堂毋得  
愆期取究仍舊西路戍守不許有悞秋防各兵往來  
俱已給有行糧務要嚴加鈐束不許縱令登岸交易  
買賣騷擾地方亦不許與運糧船隻爭競生事如違  
即以軍法處治兵數不足就于回南兵內選補不得  
浪傳召募以致農民競趨失業浙薊南兵通共六枝  
總之則三年一換週而復始以次踐更仍聽薊浙總  
督撫鎮官節制爾須持廉奉法正已率下以副委任  
毋得貪殘債事自取罪譴爾其慎之故諭

勅京營車兵叅將劉葵

近該總協京營戎政官題要將京營調發薊鎮防守  
戰車二兵將官照各邊入衛事例請給專勅以便遵  
奉行事該部議覆相應今命爾統領車營官軍遇秋  
徭期赴薊鎮聽總督軍門酌量緩急分布信地防守  
務要操練軍馬鋒利器械鮮明甲冑申嚴號令遇有  
虜警一同邊兵併力截殺其中官軍敢有逗遛觀望  
不遵約束者聽以軍法從事凡調援分布等項悉聽  
該鎮軍門節制不許自恃出之京營又奉有專勅違  
拘乖方及別有騷擾如違憲典具存決不輕貸爾其  
慎之慎之故勅

勅河大入衛遊擊李寶

近該薊遼督撫官題稱春秋兩防班軍衛所隔別官軍異處班次參差分隸不便乞要更正統領等因事下該部議覆相應今命爾克大水峪遊擊將軍統領河間衛軍士一千六百八十六名大同衛軍士八百九十三名平定所軍士四百七十五名春秋兩防每班一千五百餘名到邊分布大水峪地方防守軍換而官不換務要將本營官軍嚴加訓練以作其氣善爲撫卹以得其心仍聽督撫鎮巡官節制尤須持廉奉法正已率下毋得貪黷僨事法不輕貸爾其慎之



故諭。

勅河間領兵遊擊鄭勳

近該薊遼督撫官題稱春秋兩防班軍衛所隔別官軍異處班次參差分隸不便乞要更正統領等因事下該部議覆相應今特命爾克遊擊將軍統領河間衛秋班共軍參千名到邊分布曹家路地方防守與新改都司賈永清更番對代專在河間涑水駐劄將選定遊兵精加訓練以作其氣善爲撫恤以安其心如遇本鎮并鄰境報有賊情聽總督鎮巡等官節制調遣依期統領相機截殺不許逗遛失悞輕率寡謀

其河間等三衛掌印等官悉聽管轄爾受茲重任尤須持廉秉公正已率下如或貪殘債事法不輕貸爾其慎之故諭

勅山東領薊鎮春班都司僉書張允嘉

近該總督薊遼軍務官題稱各該班軍因循怠玩赴戍後期舉動掣肘不能展布要將河南山東各領班赴薊鎮都司照京營事例俱去以職量陞署都指揮僉事與見任僉書二員輪番京邊二班領兵操守中軍千把總照運糧官例與掌印指揮千百戶一體更番等因事下該部議覆相應今命爾駐劄本都司統

領官軍三千員名在司之日雙月操練官軍整擗衣  
甲器械緝捕盜賊凡一應軍務事宜與該道計議停  
當而行悉聽巡撫衙門節制每遇春防於正月初旬  
依期親自督率赴邊聽薊鎮總督軍門分布防禦各  
軍應得預支月糧會行該道速行支給如有逃亡事  
故卽行撥補爾尤須持廉奉法撫恤軍士沿途往回  
亦要嚴加鈐束不許作踐田苗騷擾地方仍聽總練  
班軍將官分別勤惰通行殿最其兵備官仍相接以  
禮不得互相抗違凡事務要計議而行不得偏拗致  
誤防邊大計如或入衛愆期貪殘僨事國典具存法

不輕貸爾其欽承之故勅。

勅河南領薊鎮秋班都司僉書劉確論

近該總督薊遼軍務官題稱各該班軍因循怠玩赴  
戍後期舉動掣肘不能展布要將河南山東各領班  
赴薊鎮都司照京營事例俱去以職量陞署都指揮  
僉事與見任僉書二員輪番京邊二班領兵操守中  
軍千把總照運糧官例與掌印指揮千百戶一體更  
番等因事下該部議覆相應今命爾駐劄本都司統  
領官軍三千員名在司之日雙月操練官軍整朔衣  
甲器械緝捕盜賊戶一應軍務事宜與該道計議停

當而行。悉聽巡撫衙門節制。每遇秋防于七月初旬依期親自督率赴邊。聽薊鎮總督軍門分布防禦。各軍應得預支月糧。會行該道速行支給。如有逃亡事故。卽行撥補。爾尤須持廉奉法。撫恤軍士。沿途往廻亦要嚴加鈐束。不許作踐田苗。騷擾地方。仍聽總練班軍將官分別勤惰。通行殿最。其兵備官仍相接以禮。不得互相抗違。凡事務要計議而行。不得偏拘致悞。防邊大計。如或入衛愆期。貪殘債事。國典具存。法不輕貸。爾其欽承之。故勅。

勅遼東入衛遊擊李惟一

今命爾克遼東領兵叅將仍管遊擊將軍事統領原  
選兵馬在鎮之日與本鎮將官一體聽總督鎮巡官  
并副總兵節制調遣截殺與寧前遊擊兵馬輪流入  
衛防春之日聽總督軍門分布并薊鎮總兵官節制  
如或故違及入衛後期聽軍門從重叅治春秋兩防  
畢日回鎮於本鎮總兵官標下操練爾須持廉奉法  
恤軍練武以副委任如或貪殘僨事法不輕貸爾其  
慎之慎之故勅

勅延綏入衛遊擊李棟

今命爾克延綏遊擊將軍如遇更番入衛先期整朔

人馬鋒利器械起程之日肅隊而行毋得遷延過期沿途不許騷擾地方至薊鎮悉聽總督鎮巡官節制放回之日仍要常川操練有警聽本鎮照舊調遣分布爾尤須持廉奉法撫恤士卒畜養軍威如或貪殘不職觀望退縮國典具存決不輕貸爾其勉之慎之故勅

勅宣府入衛遊擊張剛

宣府原設遊兵四營近因督撫等官奏稱欲將添設入衛一營裁革止以新舊二營輪流入衛該部議覆相應今特命爾克遊擊將軍統領舊遊兵并革過入

衛遊兵共足三千之數輪流入關防守薊鎮一年一  
換周而復始二營俱充入衛遊擊兵馬應該入關者  
聽薊遼總督酌量緩急調遣文書至日徑自起行應  
該留守者聽宣大總督分布擺守一體應援其各官  
兵馬在本鎮之日俱聽宣府鎮巡等官節制務要操  
練軍馬鋒利器械不拘入關防守務求寔效以副委  
任如或平時貪婪縱肆有警逗遛觀望國典具存法  
不輕貸爾其慎之故勅。

勅統領薊鎮德州秋班遊擊尹湘

近該總督薊遼軍務官題稱各該班軍因循怠玩赴



戊後期舉動掣肘不能展布要將山東河南領班赴  
薊鎮都司照京營例俱去以職與見任僉書二員輪  
番京邊二班領兵操守中軍千把總照運糧官例與  
掌印指揮千百戶一體更番天津等處領班都司照  
河間定州班操例俱改為遊擊職銜等因事下該部  
議覆相應今命爾統領德州二衛秋班軍士三千名  
到邊分布石門路地方防守與德州春班營更番對  
代回日駐劄德州每年於六月初旬上班十一月終  
旬下班其官軍往回經行去處嚴加鈐束關支本等  
糧草外不許作踐田禾砍伐樹株占宿店舍強買貨

物拐帶人口、奸淫婦女、奪用車船、搶擄財物、在途許  
守分兵備官嚴加訪察、在邊聽總督鎮巡官節制、爾  
亦要善加撫恤、不許分毫科擾、衛所都司掌印官照  
數唱名交付管領起程、其有不到者、即係領班將官  
劄付官通同賣放、悉聽督撫官查照、少軍事例從重  
叅治、下班之日、地方無事、將軍士雙月調取一操、遇  
有盜賊竊發、聽本處巡撫官調度、剿殺、凡比較事故  
官軍馬匹、同軍政官協和議處、其所屬衛所聽爾管  
轄、仍聽總練班軍將官分別勤惰、通行發、最其該地  
方兵備官、仍相接以禮、不得互相抗違、致悞邊計、

事務要查照該部題要優事理并與兵備官計議而行  
不許偏執已見如果能恪恭職事仍聽本部別項推  
用爾須持廉奉法正已率下毋得貪殘債事法不輕  
貸爾其慎之故勅

勅統領薊鎮通津春班遊擊徐槐

近該總督薊遼軍務官題稱各該班軍因循怠玩赴  
戍後期舉動掣肘不能展布要將河南山東領班薊  
鎮都司照京營例俱去以職與見任僉書二員輪番  
京邊二班領兵操守中軍千把總照運糧官例與掌  
印指揮千百戶一體更番天津等處領班都司照河

間定州班操例俱改爲遊擊職銜等因事下該部議  
覆相應今命爾統領天津等三衛并定邊通州左右  
神武中衛共春班軍士三千四百三十四名到邊分  
布太平路地方防守每年於正月初旬上班六月初  
旬下班其官軍往廻經行去處嚴加鈐束關支本等  
糧草外不許作踐田禾砍伐樹株占宿店房強買貨  
物拐帶人口奸淫婦女奪用車船搶擄財物在途許  
守巡兵備官嚴加訪察在邊聽總督鎮巡官節制爾  
亦要善加撫恤不許分毫科擾衛所都司掌印官照  
數唱名交付管領起程其有不到者即係領班將官

劄付官通同賣放悉聽督撫官查照少軍事例從重  
叅治下班之日地方無事將軍士雙月調取一操遇  
有盜賊竊發聽本處巡撫官調度剿殺凡比較事故  
官軍馬匹同軍政官協和議處其所屬衛所聽爾管  
轄仍聽總練班軍將官分別勤惰通行殿最其該地  
方兵備官仍相接以禮不得互相抗違致誤邊計凡  
事務要查照該部題覆事理并與兵備官計議而行  
不許偏執已見如果能恪恭職事仍聽本部別項推  
用爾須持廉奉法正已率下毋得貪殘憤事法不輕  
貸爾其慎之故勅

勅統領薊鎮天津

春秋

班遊擊

劉龍祝琦

近該總督薊遼軍務官題稱各該班軍因循怠玩赴  
戍後期舉動掣肘不能展布要將河南山東領班赴  
薊鎮都司照京營例俱去以職與見任僉書二員輪  
番京邊二班領兵操守中軍千把總照運糧官例與  
掌印指揮千百戶一體更番天津等處領班都司照  
河間定州班操例俱改為遊擊職銜等因事下該部  
議覆相應今命爾統領天津等三衛春班軍士三千  
名到邊分布松棚路地方防守與天津營秋班更番  
對代回日駐劄本衛城內每年於正月初旬上班六

月初旬下班其官軍往回經行去處嚴加鈐束關支  
本等糧草外不許作踐田禾砍伐樹株占宿店舍強  
買貨物拐帶人口奸淫婦女奪用車船搶擄財物在  
途許守巡兵備官嚴加訪察在邊聽總督鎮巡官節  
制爾亦要善加撫恤不許分毫科擾衛所都司掌印  
官照數唱名交付管領起程其有不到者即係領班  
將官劄付官通同賣放悉聽督撫官查照少軍事例  
從重叅治下班之日地方無事將軍士雙月調取一  
操遇有盜賊竊發聽本處巡撫官調度剿殺凡比較  
事故官軍馬匹同軍政官協和議處其所屬衛所聽

爾管轄仍聽總練班軍將官分別勤惰通行殿最其  
該地方兵備官仍相接以禮不得互相抗違致誤邊  
計凡事務要查照該部題覆事理并與兵備官計議  
而行不許偏執已見如果能恪恭職事仍聽本部別  
項推用爾須持廉奉法正已率下毋得貪殘債事法  
不輕貸爾其慎之故勅

勅統領薊鎮德州春班遊擊安廷燦

近該總督薊遼軍務官題稱各該班軍因循怠玩赴  
戍後期舉動掣肘不能展布要將河南山東領班赴  
薊鎮都司照京營例俱去以職與見任僉書一員輪



番京邊二班領兵操守中軍千把總照運糧官例與  
掌印指揮千百戶一體更番天津等處領班都司照  
河間定州班操例俱改爲遊擊職銜等因事下該部  
議覆相應今命爾統領德州等衛所武定所滄州所  
春班軍士三千三百六十六名到邊分布石門路地  
方防守與德州秋班營更番兌代回日駐劄德州每  
年於正月初旬上班六月初旬下班其官軍往回經  
行去處嚴加鈐束關支本等糧草外不許作踐田禾  
砍伐樹株占宿店舍強買貨物拐帶人口奸淫婦女  
奪用車船搶擄財物在途許守巡兵備官嚴加訪察

在邊聽總督鎮巡官節制爾亦要善加撫恤不許分毫科擾衛所都司掌印官照數唱名交付管領起程其有不到者即係領班將官劄付官通同賣放悉聽督撫官查照少軍事例從重叅治下班之日地方無事將軍士雙月調取一操遇有盜賊竊發聽本處巡撫官調度剿殺凡比較事故官軍馬匹同軍政官協和議處其所屬衛所聽爾管轄仍聽總練班軍將官分別勤惰通行殿最其該地方兵備官仍相接以禮不得互相抗違致誤邊計凡事務要查照該部題覆事理并與兵備官計議而行不許偏執已見如果能

恪恭職事仍聽本部別項推用爾須持廉奉法正已率下毋得貪殘債事法不輕貸爾其慎之故勅

勅河南領薊鎮春班都司僉書王惟藩

近該總督薊遼軍務官題稱各該班軍因循怠玩赴戍後期舉動掣肘不能展布要將河南山東各領班赴薊鎮都司照京營事例俱去以職量陞署都指揮僉事與見任僉書二員輪番京邊二班領兵操守中軍千把總照運糧官例與掌印指揮千百戶一體更番等因事下該部議覆相應今命爾駐劄本都司統領官軍三千員名在司之日雙月操練官軍整搦衣

甲器械緝捕盜賊凡一應軍務事宜與該道計議停當而行悉聽巡撫衙門節制每遇春防于正月初旬依期親自督率赴邊聽薊鎮總督軍門分布防禦各軍應得預支月糧會行該道速行支給如逃亡事故即行撥補爾尤須持廉奉法撫恤軍士沿途往回亦要嚴加鈐束不許作踐田苗騷擾地方仍聽總練班軍將官分別勤惰通行殿最其兵備官仍相接以禮不得互相抗違凡事務要計議而行不得偏拗致誤防邊大計如或入衛愆期貪殘債事國典具存法不輕貸爾其欽承之故勅

勅河南領薊鎮春班都司游體仁

近該薊遼督撫官題稱各領班都司所領班軍渙散不齊乞要將分定該備所軍數額定班次更番戍守事下該部議覆相應今特命爾統率駐劄河南嵩縣地方統領春班官軍二千員名在本處雙月操練官軍整搦衣甲器械緝捕盜賊凡一應軍務事宜與該道計議停當而行悉聽巡撫衙門節制遇春防于正月杪旬依期親自督率赴邊聽薊鎮總督軍門分布防禦各軍應得預支月糧會行該道查照舊規行令軍衛有司速行支給如有逃亡事故即行撥補爾尤

須持廉正已撫恤軍士沿途徃廻嚴加鈐束不許作踐田苗騷擾地方如或入衛愆期貪殘債事法不輕貸爾其慎之故勅

勅宣府春班入衛遊擊高闡

今特命爾充遊擊將軍統領宣府新遊兵并革過入衛營遊兵共足三千員各每年防春防秋督發二千五百名與舊遊兵輪流入關防守薊鎮一年一換周而復始二營俱充入衛游擊兵馬以後應該入關者聽薊遼總督酌量緩急調遣文書至日徑自起行應該留守者聽宣大總督分布擺守一體聽援其各官

兵馬在本鎮之日聽宣府鎮巡等官節制務要操練  
軍馬鋒利器械不拘入關防守務求實效以副委任  
如或平時貪婪縱肆有警巡邏觀望國典具存法不  
輕貸爾其慎之故勅

效祖曰薊鎮自庚戌以來

主上日厯剝膚之憂其被

命分闡無間於文武諸臣提撕警飭之意蓋靡所不周  
矣當若事者能以

綸綍書諸紳而常自在之則惕然罔違越而職業無不  
舉矣不則

天語叮嚀豈其令齊執以為誇詡之資哉